

TA PARCE DOS DIFERENTE MUNDO PERO E PALABRA DI DIOS TA APLICABEL DIRECTO NA TRABOU

“ORA BO TRAHADOR TA HIBA UN BIDA SPIRITUAL, SU MOTIVACION TA ‘INTERNALLY DRIVEN’ PUES BO NO TIN CU GASTA PLACA PA SIÑE PA ACTUA CORECTO, OF PA NO COMETE FRAUDE, PASOBRA E COSNAN AKI TA PARTI DI DJE”

Lisette Malmberg (46) kier ilumina e caminda, pa esnan cu ta kere cu nan tin cu scohe entre, pa sea ta un bon comerciante, un bon profesional versus un persona dedica na Dios cu hopi biaha un situacion financiero pover. Es mas, hopi hende ta kere cu nan mester ta pover pa nan ta bon mira den wowo di Dios.

Hopi di nos ta mir’e como un pastor awendia predicando e palabra di Dios, pero Lisette Malmberg a pasa un caminda largo p’e yega na unda e ta awe. Na October e ta cumpli 23 aña laborando na de Palm Tours, un compania cu ta cumpli 47 aña como un parti integral di nos turismo. Un cos a resalta ta cu no kere pasobra e ta yiu di e doño, cos a yega facil p’e y su ruman homber. **Mi ruman y ami tabata traha asina duro, pa hopi aña nos tabata gana 1200 florin pa luna. Pero esey a crea disciplina cerca nos den trabou y a siña nos di e sacrifician cu mester haci pa crea algo ‘from the ground up’.** Na prome instante Lisette a informa su tata cu e lo no bay traha na e compania di familia, e kier a marca su mesun trayectoria. El a bay St. Thomas University na Miami na unda el a studia y gradua. Lisette a keda un tempo na Merca, ey el a traha na Gordon Jewelers, na unda el a haya pro-

mocion rapido, pero e mundo di biaha tabata trek e y mirando cu Carefree David (*Florin: Agencia di viahe na Merca*) tabatin mester di hende cu dominio di diferente idioma y tabatin un coneccion cu Aruba, Lisette a acepta e oferta. Unabez el a cuminsa, el a sinti su mes mordi door di e ‘tourism bug’, y mas e traha den turismo, mas e tabata gusta.

Despues di un paar di aña el a dicidi di tog bay Aruba bek. **Ora mi a bin bek, mi ta aprecia esey masha di mi tata, el a siña nos, bo no ta haya respet pasobra bo ta yiu di e doño, respet bo ta gan’e. Dus cu tur mi estudio, mi a cuminsa como un ‘sales clerk’.** Poco poco Lisette a keda subi di posicion, e ta indica cu cada promocion e mester a traha duro p’e. E mes tabatin un aptitud pa benta, mercadeo y desaroyo di e product y su ruman tabatin abilidad natural pa ‘operations’, dus nan tabata complementa otro. E

compania a sigui crece y poco poco nan a cuminsa tuma over e responsabilidadnan di mas grandi. Nan tabata traha di cerca cu ATA y AHATA, desaroyando difente mercado. (*Florin: Lisette ta den e Board actual di AHATA*). Malmberg su bida a cuminsa mira exito tras di exito, pero mas e tabata yega na e metanan cu el a kere ta bay trece su felicidad, mas e tabata sinti un bashi den su mes. **Mi tabatin tur e cosnan cu mester a hacimi feliz, mi tabatin un cas precioso, mi tabata core un BMW caro, tog e cosnan aki no tabata yena-mi.** Na nivel personal Lisette a casa jong, a divorcia relativamente jong y despues a haya su yiu. Biniendo di un cas c’un bida familiar stabiel, esaki a haci’e hopi dolor. **Na final mi ta gradecido pa tur loke mi a pasa’den, pero esey tabata un dolor hopi grandi pami.**

Lisette a crece Catolico y tabata bay misa tur fin di aña, pero e no tabata co-

Lisette Malmberg



noce e palabra di Dios. Dado momento, e tabata co-responsabel pa e maneho di 7 compania, exitoso den tur sentido, pero e bashi den su curazon a sigui. Na aña '95 e situacion a yega na un punto culminante, na unda el a dicidi di haci un 'challenge' na Dios. **Mi a bay den baño, cay na rudia y a bisa 'si di berdad tin un Dios, mi ta invitabo drenta den mi bida y lo mi dedica mi bida na Bo. Mi no tabatin idea di e 'deal' cu mi a sera cu Dios, pero mi ta kere cu E tabata contento cu e 'deal', pasobra e siguiente dia, un bon amiga dimi a bin serca mi y a bisa'mi: Lisette mi a bay un iglesia cu un bon sirbishi, pakico bo no ta bin.** Lisette a haya un encuentro y conversion radical cu Hesus y a compronde su yamada y su tarea mesora. El a realisa pakico el a haya cierto don y talento. Na e momento ey e ta bisa cu

Palabra di Dios ta aplicabel directo den trabou, den e mundo di negoshi y tanto e persona y e compania lo beneficia si aplica e Palabra di Dios. Nan a cuminsa duna cuminda na esnan menos afortunada den Schelpstraat. Lisette Malmberg a mira hende 20 aña den alcohol y droga, otronan 10 aña adicto (choller) riba caya, sali for di e bida ey y awor e hendenan ey, ta lidernan den centro di rehabilitacion, na Hulanda y na Santo Domingo.

APLICACION

Nos mester a busca mas aleu pa sa con awor 'Pastor' Lisette ta pensa, cu su concepto ta aplicabel na e mundo di trabou of comercio. **Wel, bo tin cu mira e principianan den Bijbel poni. E trahador of manager cu principio spiritual tin etica na su lugar di trabou, e no ta hor-**

"E UNICO ENTRADA CU NOS TIN TA E DONACIONNAN CU NOS TA RICIBI DI NOS BISHITANTENAN. AKI BO NO TA OBLIGA PA DUNA NADA"

el a descubri e proposito di su bida. El a cuminsa papia cu su famia y e mes ta bisa cu tabata dificil, si el a retira diripiente, e compania lo por a sufrí daño, mirando e embergadura di su trabou. Pero e tabata confia cu Dios ta traha cu ordo y responsabilidad y el a bay poco poco ta reduci of cambia e forma di traha na compania.

Mi famia eventualmente a respeta mi decision y a busca maneranan pa permitimi combina loke mi tabata haci. Mi a keda mitar dia cu e compania y a cuminsa studia teologia, cu eventualmente mi por a bay afo sigui studia logra un bachelors degree y canando cu Dios e tabata habri caminda y mustrami kico pa haci. Lisette a cuminsa un misa yama 'New Life Tabernacle' c'un mandato cla, kita e separacion cu tin entre e palabra di Dios y comunidad. Muestra e relevancia cu e palabra tin den bida, con ta aplik'e. El a cuminsa drenta sitionan, esfera y gruponan cu nunca antes e palabra por a yega. **E ta parce dos diferente mundo pero, e**

ta, e no ta perde tempo ta papia riba otro hende na trabou. E no ta envidia of busca problema, e ta keda busca manera pa mehora su mes. Si bo trahador no tin un base spiritual, bo tin cu gasta hopi placa pa bo trahadornan bira 'externally driven' y long term nos sa cu e cosnan aki no ta funciona, ya cu su curazon no ta den dje. Ora bo trahador ta hiba un bida spiritual, su motivacion ta 'internally driven' pues bo no tin cu gasta placa pa siñe pa actua corecto, cu material di compania of pa no comete fraude, pasobra e cosnan aki ta parti di dje, su curazon ta bira transforma. Segun Lisette trahadornan cu un fundeshi spiritual ta conecta miho cu bo cliente, pasobra nan no ta djis bay pa cobra un salario; e ta bay traha pasobra ta sinti cu nan tin proposito. E ta bisa ora e trahador realisa esey, nan ta bira mas productivo, cu ta pone cu e compania su productividad ta subi automaticamente. New Life Tabernacle ta duna curso na companianan.

Mirando cu hopi misa ta haya subsidio di gobierno, nos kier a haya sa si un Iglesia mes ta bon negoshi. **Nos no ta haya subsidio di gobierno y nos no a aplica pa haya tampoco, apesar cu nos ta haci hopi trabou comunitario. E unico entrada cu nos tin ta e donacionnan cu nos ta ricibi di nos bishitantenan. Aki bo no ta obliga pa duna nada, bo ta duna si bo por y si bo kier. Naturalmente ora hende su bida keda impacta, nan gratitud ta grandi, nan ta haya trabou y nan ta cuminsa prospera, hopi biaha nan ta trece nan donacion.** Como misa, nan tin cu paga e huur di edificio, nan tin varios pastor ta traha full-time. Na oficina tin dos administrador full-time. Nan tin un programa di television den prime-time, nan ta yuda hende cu cuminda y mucho mas, tur esaki paga cu e donacionnan cu nan ta ricibi. Awor Malmberg ta bisa cu nan kier habri un orfanatorio, un sitio pa atende casonan di embarazo hubenil, yuda mayornan cu no por cu yiunan hoben. Ken ta bay e misa? E ta varia di doñonan di negoshi, abogado, doctor, managernan, amanan di cas, secretaria y practicamente di tur sector di nos sociedad.

E idea cu bo mester ta pover pa bo tin e favor di Dios ta un pensamiento robéz! Esey a bin di monasticismo, di e tempo di San Francisco e tabata bin di un famia rico Italiano, el a kita tur paña di rikeza y regala nan. El a haci un promesa di pobreza. El a bira un principio di santidad, pero e no ta un principio den bijbel. Mayoria lider den Bijbel tabatin abundancia, Abraham, Jozef, Daniel, David, Solomon, hasta Jesus tabatin abundancia. Den 'Deuteronomy' e Palabra di Dios ta bisa: 'Mi ta dunabo e poder pa haya rikeza y abundancia'. Lisette kier ta masha cla si cu ora nan siña hende tocante prosperidad, nan no ta papia di prosperidad pa bo beneficio personal so, dus pa bo bay cumpra bo Mercedes Benz y bo kier 10 cas etc, e idea pa bo tin prosperidad, segun Lisette, ta pa bo por yuda otronan cu mester di e ayudo, pa nan tambe bin riba pia.

LIDERAZGO

Malmberg ta sinti tambe cu nos pais ta dividi y e ta bin di e falta di calidad moral den nos liderazgo, e no ta papiando di djis partidonan politico, sino di tur organisacion di nos pais, na unda tin lider. **E prome cos cu tin cu pasa ta, cu liderazgo di nos pais mester un cambio interno den nan curazon. Un persona sin integridad, si bo asuntanan no ta na ordo y ta sin principionan moral, ki ehempel bo ta pa nos hobennan, pa nos comunidad.** Pastor Lisette ta sigui bisa cu e manera di evalua e balor real di un pais, no ta check cuanto placa of poder nan tin, sino di mira con e nacion ta trata e hendenan den mas necesidad, esnan enfermo, esnan di mas debil, pues e gloria di un nacion ta mira con e ta trata su ciudadanonan na tur nivel, nos muchanan, nos grandinan con nos ta trata nan? **Nos nacion ta hopi dividi, atrabez di aña, patidonan politico a usa e principio di dividi nos pueblo pa conquista. Desafortunadamente nan ta lubida c'un cas y un pais dividi, eventualmente lo basha den otro. No ta por nada cu politiconan grandi den pasado a pusha pa uni nan pais, esey ta grandeza, ora bo por laga e interes personal un banda y mira 'the big picture' y con bo ta hacie? Cu un vision comun. Scucha nos lidernan papia na tur nivel awendia, casi bo ta sinti e odio transmiti. Scucha y siña balora opinionnan cu no ta mescos cu dibo tambe, tene cuenta cu e gruponan minoritario tambe y djey tuma decision.**

Lisette ta pensa cu e reto di mas grandi cu nos tin ta e siguiente generacion, ki ehempel nos ta dunandonan, ki vision nos tin pa nan. Eseyan ta preguntanan serio cu tin cu traha riba si nos kier tin un siguiente generacion prepara pa tuma rienda di e pais aki. Lisette ta sigui pusha pa nos tin un dialogo nacional; **nos mester tine, nos mester hacie regularmente cu tur grupo, e gremionan, sinta na mesa cu gobierno y cu otro, pa atende nos problemanan pasobra al final cu comunicacion, respet y amor pa e pais aki na prome lugar, bo ta yega na solucion.** 

